



SHOQATA E DIABETIT
NË SHQIPËRI



MARRËVESHJE BASHKËPUNIMI

KOMISIONERI PËR MBROJTJEN NGA DISKRIMINIMI, si institucion shtetëror që funksionon në bazë të Ligjit nr. 10 221, dt. 14.02.2010, “Për mbrojtjen nga diskriminimi”, që këtu e më poshtë do të referohet si Komisioneri (pala).

SHOQATA “TOGETHER FOR LIFE”, regjistruar me Vendim nr. 2726, dt. 24.12.2009, të Gjykatës së Rrethit Gjyqësor Tiranë, me adresë në Rr. "Brigada VIII", Pallati jeshil Tekno-projekt, Shk 2, Ap. 2, Tiranë;

"SHOQATA E DIABETIT NË SHQIPËRI", regjistruar me Vendim nr. 1162/1, dt. 11.05.2010, të Gjykatës së Rrethit Gjyqësor Tiranë, me adresë në Blv. "Gjergj Fishta", Ndërtesa nr. 28, Hyrja 11, Tiranë;

SHOQATA “PACIENTËT ME HEPATIT”, regjistruar me Vendim nr. 2454, dt. 20.01.2009, të Gjykatës së Rrethit Gjyqësor Tiranë, me adresë në Rr. “Sulejman Delvina“, Tiranë

Duke qenë se Komisioneri është institucioni që siguron siguron mbrojtjen efektive nga diskriminimi dhe nga çdo formë sjelljeje që nxit diskriminim;

Duke qenë se Shoqata “Together for Life”, “Shoqata e Diabetit në Shqipëri” dhe Shoqata “Pacientët me Hepatit” zhvillojnë veprimtarinë në sferën e mbrojtjes së shëndetit, në përputhje me standardet e njohura ndërkombëtare dhe legjislacionin e brendshëm, si dhe interesat e ligjshme të pacientëve;

Me synimin e përbashkët për respektimin dhe garantimin e të drejtave dhe lirive themelore të njeriut dhe të pacientëve në veçanti;

Me objektiv garantimin e të drejtave dhe lirive themelore të njeriut, sigurimin e së drejtës së çdo personi për barazi përpara ligjit dhe mbrojtje të barabartë nga ligji, barazi të mundësive për të ushtruar të drejtat dhe për të gëzuar liritë, për mbrojtje efektive nga diskriminimi dhe nga çdo formë sjelljeje që nxit diskriminimin për pacientët;



SHOQATA E DIABETIT
NË SHQIPËRI



Palët,

Bien dakord si më poshtë vijon:

Neni 1

Objekti i Marrëveshjes

- 1.1 Kjo Marrëveshje ka për objekt përcaktimin e rregullave dhe modaliteteve brenda të cilave Palët do të zhvillojnë marrëdhëniet ndërmjet tyre për marrjen e masave për mbrojtjen nga diskriminimi për pacientët.

Neni 2

Angazhimet e palëve dhe format e bashkëpunimit

- 2.1 Palët do të bashkëpunojnë për ofrimin e një shërbimi të plotë ligjor për të gjithë pacientët apo familjarët e tyre që paraqesin ankesat e tyre për diskriminim pranë Komisionerit për Mbrojtjen nga Diskriminimi
- 2.2 Komisioneri angazhohet të bashkëpunojë me shoqatën “Together for Life”, “Shoqatën e Diabetit në Shqipëri” dhe shoqatën “Pacientët me Hepatit”, për rastet e pacientëve të cilët kanë nevojë për këshillim nga ana e Komisionerit gjatë proceseve gjyqësore apo për fillimin e procesit gjyqësor, për rastet kur konstatohet diskriminim për shkak të gjendjes shëndetësore.
- 2.3 Palët angazhohen të bashkëpunojnë në organizimin e fushatave të përbashkëta sensibilizuese dhe trajnimeve me qëllim rritjen e ndërgjegjësimit për mbrojtjen nga diskriminimi, minimizimin e rasteve të diskriminimit, mbrojtjen e të drejtave të pacientëve, përmirësime të situatës së tyre në lidhje me diskriminimin.
- 2.4 Palët angazhohen të bashkëpunojnë dhe të shkëmbejnë ekspertizë për përmirësimin e legjislacionit ekzistues, me qëllim përfshirjen e masave të reja që garantojnë trajtimin e barabartë dhe eliminimin e parashikimeve diskriminuese nga legjislacioni aktual në fushën e mbrojtjes së shëndetit, nëpërmjet propozimeve dhe rekomandimeve në funksion të mbrojtjes së të drejtave të pacientëve.
- 2.5 Palët do të informojnë njëra-tjetrën mbi çdo lloj shërbimi që ata do të ofrojnë në të ardhmen në bashkëpunim dhe mbi çdo gjë tjetër që do të gjykohet e nevojshme për një bashkëpunim të frytshëm midis palëve të kësaj marrëveshjeje;



- 2.6 Palët do të udhëhiqen gjithnjë dhe mbi të gjitha nga interesi i qytetarëve të cilët kanë nevojë për zgjidhjen e mosmarrëveshjeve dhe problemeve të tyre, me qëllim që ato të zgjidhen në mënyrën më të përshtatshme për pacientët;
- 2.7 Palët angazhohen të mbështesin njëra-tjetrën në realizimin e veprimtarive të përbashkëta me interes reciprok;
- 2.8 Palët do të bashkëpunojnë edhe në forma të tjera të bashkëpunimit për të cilat mund të bihet dakord në të ardhmen.

Neni 3

Komunikimi i Palëve

- 3.1 Palët komunikojnë në mënyrë të vazhdueshme ndërmjet tyre dhe shkëmbejnë çdo informacion të nevojshëm për përmbushjen e detyrave të tyre. Komunikimi do të kryhet në formë shkresore.
- 3.2 Palët do të caktojnë një person kontakti që do të jetë përgjegjës për zbatimin konkret të Marrëveshjes së Bashkëpunimit.
- 3.3 Personat e kontaktit nga palët do të jenë të disponueshëm në çdo kohë për komunikimin dhe koordinimin e veprimeve me palën tjetër.

Neni 4

Dispozita të fundit

- 4.1 Kjo Marrëveshje Bashkëpunimi lidhet për një afat të pacaktuar dhe ajo do të jetë efektive për sa kohë do të gjykohet si i nevojshëm dhe i domosdoshëm bashkëpunimi midis palëve.
- 4.2 Çdo palë mund të kërkojë zgjidhjen e mosmarrëveshjes duke njoftuar palën tjetër 30 ditë para.
- 4.3 Marrëveshja mund të ndryshohet, amendohet ose të revokohet në çdo kohë, bazuar në pëlqimin e ndërsjelltë të paraqitur me shkrim.
- 4.4 Palët në këtë Marrëveshje Bashkëpunimi do të bëjnë të gjitha përpjekjet për ekzekutimin sa më efektiv të të gjitha detyrimeve të marra përsipër prej tyre.
- 4.5 Kjo marrëveshje hartohet në 4 (katër) kopje origjinale, një për secilën palë, si dhe hyn në fuqi në datën e nënshkrimit të saj.



SHOQATA E DIABETIT
NË SHQIPËRI



Nënshkruar në Tiranë, më 18.04.2018

Prot. 1028

KOMISIONERI PËR MBROJTJEN
NGA DISKRIMINIMI

Robert Gajda
Robert GAJDA

PËR SHOQATËN "TOGETHER
FOR LIFE"

Eglantina Bardhi
Eglantina BARDHI

PËR "SHOQATËN E DIABETIT
NË SHQIPËRI"

Florian Toti
Prof. Florian TOTI

PËR SHOQATËN "PACIENTËT
ME HEPATIT"

Partizan Malkaj
Partizan MALKAJ

